



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Liutprandi Ticinensis Diaconi Opusculum, De Vitis
Romanorum Pontificum**

Liutprandus <Cremonensis>

Moguntiae, 1602

LXXVI. S. Martinus.

urn:nbn:de:hbz:466:1-11115

viris conuenti fuerint, eorum querimonias fideliter audiant, & secundū quod necessitas expetierit, absq̄ negligentia examinent, & diligenti studio emendēt. Quod si Dei timorem prae oculis non habentes negligere post secundā & tertiā commonitionē inuenti fuerint, omni se nouerint communionē vsq̄ ad condignam satisfactionē priuatos. I T E M. Qui presbyterū ordinare necessariū ducit, deputet eū Ecclesiā, in qua Domino seruiens iugiter perseueret. Hic ordinauit Episcopos 71. presbyteros 13. diaconos 11. Obiit .a. 4. Idus Oct.

LXXIII.

A. DCXXXVIII

SEVERINVS.

S E V E R I N V S, natione Romanus, ex patre Abieno, sedit menses 2. dies 4. Hic ordinauit Episcopos 4. Obiit autem 4. Idus Octobr.

LXXIV.

A. DCXXXIX.

IOANNES IV.

I O A N N E S, natione Dalmaticus, ex patre Venantio scholastico, sedit annum 1. menses 9. dies 18. Hic per Dalmatiam & Histriā multum pecuniæ misit ad redemptionem captiuorum. Hic ordinauit Episcopos 4. Defunctus est autem 4. Idus Octobr.

LXXV.

A. DCXLII.

THEODORVS.

T H E O D O R V S, natione Græcus, ex patre Theodoro Episcopo, de ciuitate Hierusalem, sedit annos 6. menses 5. dies 14. Hic ordinauit Episcopos 56. presbyteros 21. diaconos 4. Qui defunctus est pridie idus Maii.

LXXVI.

A. DCXLIX.

S. MARTINVS.

M A R T I N V S, de ciuitate Tudertina prouinciæ Tusciæ, sedit annos 6. mensem 1. dies 26. Hic 105. Episcopos in vrbe Roma congregauit, cum quibus condemnauit Theodorum quendā Episcopum Pharanitarum & Cyrum Alexandrinum, & Sergium Constantinopolitanum, & eius successores Pyrrhum & Paulum, qui nouitates contra immaculatam fidem præsumperunt innectere. Et demum prædictus Papa quia hæreticis consentire noluit, ductus est

ctus est in exilium, vbi & vitam in Christo finiuit 4. Idus Nouemb.
Ordinavit autem Episcopos 34. presbyteros 11. diacon. 5.

LXXVII.

S. EVGENIVS.

A.D.C.LII.

EVGENIVS, natione Romanus, ex patre Rufiniano, sedit annos
2. menses 9. dies 33. Hic ordinavit Episcopos 21. defunctus est
autem 4. non. Junii.

LXXVIII.

S. VITALIANVS.

A.D.C.LV.

VITELLIANVS, natione Signensis Cāpanię provincię de patre
Anastasio, sedit annos 14. menses 6. Hic regulam Ecclesiasti-
cam atq; vigorem, vt mos erat, omninò conseruavit. Hic ordinavit
Episcopos 97. presbyteros 22. diaconum 1. Huius temporib. Con-
stantinus Augustus Romam venit, ibiq; omnia, quæ ad ciuitatis or-
natū suspensa erant deponi fecit, & Ecclesiā S. Mariæ ad Martyres,
quę de tegulis æreis erat tecta, discooperuit, & in regiā urbem ipsas
regulas cum aliis diuersis, quæ deponi fecerat, emisit. Scripsit autē
epistolam Paulo Cretensi Archiepiscopo, in qua eū arguit, quia Io-
annem Episcopū Lampeon urbis in custodiam duci fecit. Insuper
contra canonum iussa contra legum instituta, existens in custodia,
cogebatur, vt daret fideiussores. Vnde omnia, quæ ipse Archiepi-
scopus de iā prædicto Episcopò in Synodo egit, inania esse decreuit,
& Ecclesiam suam ei iudicio Synodi datis litteris reddi præcepit.
Defunctus est autem 8. Idus Februar.

LXXIX.

A DEODATVS.

A.D.C.LXIX.

ADEODATVS, natione Romanus, ex monachis, de patre Io-
uiniano, sedit annos 4. menses 2. dies 5. Hic ordinavit Episco-
pos 7. presbyteros 14. diaconos 2. Qui defunctus est 8. Idus Junii.
Post eius verò trāsitum, & pluuiæ & tonitrua tanta fuerunt, quanta
prius fuisse nemo eo in tempore viuens audierat. Vnde homines
& pecudes ex nimio ictu fulguris interierunt.

M 3

LXXX.